





原件短缺

拈古

世尊纒生下乃一手拍天一手拍地周行七步自顧  
四方云天上天下惟吾獨尊雲門云我當時若見一  
棒打殺與狗子吃貴圖天下太平

師云世尊大似靈龜曳尾自取殺身之兆雲  
門雖則全提正令也是為他閑事長無明當  
時但於地上劃一圓相就圓相中書个丁字  
復展兩手示之管取冰消瓦解

世尊一日陞座默然而坐阿難白槌云請世尊說法  
世尊云會中有二比丘犯律行我故不說法阿難以

他心通觀二比丘遂乃遣出世尊還復默然阿難又  
白適來為二比丘犯律是二比丘已遣出世尊何不  
說法世尊云吾指不為二乘聲聞人說法便下座

師云世尊能挽千鈞之弩銀山鉄壁箭又皆  
通阿難雖有隱身之術殊不覓罽胝後中箭

還有躡得過底麼

世尊有異孝問諸法是常耶世尊不對又問諸法是  
無常耶亦不對異孝曰世尊具一切智何不對我世  
尊云汝之所問皆為戲論

師云異孝言若啞世尊無語如雷遮裏見

得分明正是增益戲論何故諦听諦听

世尊因自恣日文殊三處過夏迦葉欲白檀栴  
粘槌乃見百千万億文殊迦葉盡其神力槌一  
世尊遂問迦葉汝擬擯那个文殊迦葉無對

師云文殊知底迦葉不知迦葉知底文殊不  
知彼又不知且置百千万億文殊那个是真

底

世尊昔在靈山會上拈花示衆是時衆皆默然惟迦  
葉尊者破顏微笑世尊云吾有正法眼藏涅槃妙心  
實相無相微妙法門不立文字教外別傳付囑摩訶

迦葉

師云世尊扶頭迦葉扶尾直至如今權奉不起莫有共著力者麼以兩手作扶勢云也只兀底耳

世尊於涅槃會上以手摩胸告眾云汝等善觀吾紫磨金色之身瞻仰取足勿令後悔若謂吾滅度非吾弟子若謂吾不滅度亦非吾弟子時一萬億眾悉皆契悟

師云黃面瞿曇四十九年顛之句說貴圖末後慇懃殊不知賺他百

全

今墮在鐵圍山下無由解脫

馬大師因僧問離四句絕百非請師直指西來意師云我今日勞倦不能為你說問取智藏去僧乃問藏藏云何不問和尚曰和尚教來問藏云我今日頭痛不能為你說去問取海光僧遂問海又云我到遮裏却來會僧回舉似師又云藏頭白海頭黑

師云馬師父子一門非特佛口蛇心亦善六韜三畧遮僧若無諸葛孔明之作管取喪身失命

僧問馬祖如何是佛祖云即心是佛

師云衆中商量皆謂心本是佛又外無心故云即心是佛苦哉苦哉若作遮般見解明後日吃鐵棒有分在既然如是合作麼生石壓筍斜出崖懸花倒生

百丈和尚凡衆次有一老人常隨衆听法一日衆退後老人不退丈問汝何人也老人云諾某甲非人也  
竊過去迦葉佛時曾住此山因學人問大修行底人落因果也無對云不落因果五百生墮野狐身今  
落因果也無丈云不昧因果老人於言下大悟作禮  
尚代一轉語貴脫野狐身遂問大修行底人還

云某甲已脫野狐身住在山後敢告和尚乞依亡僧事例丈令維那白槌告衆食後送亡僧大衆言議一衆皆安涅槃堂又無病人何故如是食後丈自領衆至山後巖下以杖挑出一死野狐乃依法火葬

師云大衆前云不落後云不昧還有得失也無若無因甚有墮有脫若有試出來分明道看有麼有麼摠是一隊野狐精莫怪山僧壓良為賤

中國師因西天大耳三藏到京云得他心通肅宗帝命國師試驗三藏絕見也乃禮拜立于右忠問汝得

他心通耶藏曰不敢忠云汝道老僧即今在甚處藏  
曰和尚是一國之師何得去西川看競渡船忠良久  
再問汝道老僧即今在甚處藏曰和尚是一國之師  
何得向天津橋上看弄獼猴忠第三問藏良久問知  
去處忠叱云遮野狐精他心通在甚處三藏無對  
師云大小國師平生伎倆總被遮胡僧勘破  
雖然賴遇聖君證明

南泉住菴時一僧到泉乃云某甲上山作務請齋時  
作飯自吃了却送一分來其僧齋辦自吃了却將家  
事一時打破仍就床臥泉伺久不來遂歸見僧臥泉  
亦去一邊卧僧便起去泉住後云我往前往菴時有  
个靈利道者來直至如今不見

師云南泉雖則步步踏實未免隨人起倒遮  
僧縱解飽食高眠決定不知做是米做高峯  
恁麼告報設有一字妄虛永墮拔舌地獄

趙州因僧遊臺山凡問一婆云臺山路向甚處去婆  
云驀直去僧纔行三五步婆云好个師僧又與麼去  
後有舉似趙州又云待我去勘過遮婆子明日便去  
亦如是問婆亦如是對州歸謂眾曰臺山婆子我為  
勘破了也

師云遮个公案若據諸方判斷趙州勘破婆  
子若據高峯點檢將來正是婆子勘破趙州  
畢竟以何為驗以手指云驀直去

僧問趙州狗子還有佛性也無州云無

師云大小趙州拈出一粒巴豆子攪惱衲僧  
腸肚設有吞吐得者亦不免喪身失命何故  
急又如律令

僧問趙州方法歸一一歸何處州云我在青州作一  
領布衫重七斤

師云趙州一段綿密工夫風吹不入雨打不

濕惜乎不鮮相體裁衣翻成鈍置高峯則不  
然忽有人問方法歸一一歸何處只向他道  
我二十年前曾向遮裏打失一隻眼睛至今  
指鹿為馬大眾且道與古人相去多少

甘贄行者開接待凡有問行者接待不易者云譬如  
餒馱餒馬瑯琊云快把箇來五祖和尚云願行者長  
似今日

師云瑯琊和尚美則美矣只是做造愴忙不  
堪供養五祖和尚不鑑來風一鏡淡蘂美矣可  
惜著了許多盞盞譬如餒馱餒馬只向他道



殘羹餽飯不勞拈出大衆且道与古人是同  
是別定當得出日消万兩黃金不然吃水也  
須防噎

陸亘大夫問南泉弟子家中有片石亦曾坐亦曾臥  
如今欲鑄作佛得麼泉云得又大夫云莫不得麼泉  
云不得不得

師云南泉怎麼祇對正所謂聖人無常心以  
百姓心為心也

大夫嘗問南泉曰弟子家中於一瓶內養得一鶻兒  
今來長欲出此鶻且不得打破瓶亦不得損却鶻

未審和尚有何方便泉召云大夫大夫應諾泉云出也  
師云南泉潦倒手眼不親縱饒出得也是死  
債高峯只向他道大夫還曾示人麼纔擬祇  
對便與乱棒打出非特為遮淚脫却鶻臭布  
衫要使天下衲僧箇又解粘去縛慶快平生  
木平問洛浦一漚未發時如何浦云移舟諳水脉牽  
棹別波瀾平不契又問盤龍龍云移舟不別水牽棹  
即迷源平於此有悟後雲峯悅和尚云若於洛浦言  
下悟去猶較此子後來不合向盤龍死水裏浸殺  
師云若不是悅公洎合被他瞞却然雖如是

且道盤龍請訛在甚處移舟不別水卒棹即  
迷源

石鞏和尚凡見僧以弓架箭示之一日三平至鞏云  
看箭三平乃撥開胸云此是殺人箭活人箭又作麼  
生鞏乃扣弓絃三下平便作禮鞏云三十年架一張  
弓兩隻箭只射得半个聖人遂拗折弓箭

師云石鞏張弓傍若無人三平承箭弄巧成  
拙然雖如是半个聖人又作麼生落花片片  
隨流水流水無心戀落花

雪峯在德山作飯頭一日飯遲方晒飯巾次乃見德  
山自托鉢至法堂前峰遂問遮老漢鐘未鳴鼓未響  
托鉢向甚處去山便回方丈峰奉似巖頭又云大小  
德山不會末後向山問令侍者喚巖頭去問汝不肯  
老僧那巖遂密啓其意山乃休去至明日陞堂果子  
尋常不同巖至僧堂前撫掌大笑云且喜得老漢會  
末後向他後天下人不柰伊何雖然如是也只得三  
年

師云佛祖機緣古今公案其中請訛無出於  
此或謂巖頭智過於師故有密啓其意殊不  
知犯弥天之外万劫遭殃且道利害在甚麼

處撫掌大笑云侍者分明記取三十年後有人證明

雪峰示衆云南山有一條鱉鼻蛇汝等諸人切須好看時長慶出云今日堂中大人喪身失命雲門以拄杖攔向峰前作怕勢後僧奉似玄沙沙云須是稜兄始得然雖如是我則不然僧云和尚作麼生沙云用南山作麼

師云雪峰和尚雖慣作竊爭奈諸子不善參隨未免一場敗露至今千載之下惡聲猶在僧問夾山如何是夾山境山云猿抱子歸青嶂裏鳥

銜花落碧巖前後法眼道老僧二十年只作境話會師云大衆還會麼直饒向遮裏會得見法眼則易見夾山則難

僧問投子如何是十身調御子下繩床立又有問凡聖相去多少子亦下繩床立

師云一轉語天懸地殊一轉語言端語的具眼底試辨看

聲明三藏善別音聲劉大王請玄沙驗之沙乃將銅火筋敲鉄火炉問云是甚麼聲藏云銅鉄聲沙云大王莫受外國人瞞

師云大小玄沙能所未忘當時賴遇是劉大王若撞著个本分衲僧管取一場漏逗

玄沙坐次見面前地上一點白指問侍者云見麼者云見如是三問如是三對沙云你也見我也見因甚麼道不會師云大衆見即見會即會無復疑矣且道遮一點白決定是个甚麼

僊天和尚因一僧參擬作禮次天云野狐覘見甚麼了便禮拜僧云老秃奴見甚麼了即便與麼問天云苦哉苦哉僊天今日忘前失後僧云要且得時終不補失天云爭不如此僧云誰甘天呵又笑云遠之遠

矣僧以目四顧便出

師云一問一答有賓有主盡謂二俱作家若據高峰點檢將來遮僧猶自可僊天笑殺人

和安通禪師因仰山作沙弥時常與寂子与我拈床子來仰持至通云送舊處著復問寂子床那邊是甚麼曰無物遮邊漸曰無物通又召寂子子應諾通云去

師云潦倒和安用心不減仰山命蹇為魅所著山僧恁麼道也是逢風秉炬

僧問佛日彌禪師如何是毗盧印彌云草屨踏雪僧

云學人不會獨云步又成跡

師云佛日和尚雖則不負來機高提祖印殊不知古篆難明致令遮僧過如不遇若是高峰則不然忽有人問如何是毗盧印但言文不加點又云學人不會但云要會作麼且道與佛日是同是別

僧問高安澄禪師旧歲已去新歲到來還有不受歲者麼澄云作麼生僧云恁麼則不受歲也澄云城上已吹新歲角窓前猶點旧年灯僧云如何是旧年燈澄云膈月三十日

師云大小高安被遮僧隨後一逐如鼠入牛角相似直至如今轉身不得莫有救得底麼且待來年

雪竇和尚示衆云客從遠方來遺我徑寸壁中有四个字字字無人識佛鑑師翁拈云客從遠方來遺我徑寸壁中有四个字不必重拈出

師云二大老一人說易一人說難未免見有偏枯高峯則不然客從遠方來遺我徑寸壁中有四个字字字無平仄

拈古終

頌古

世尊在靈山會上拈一枝花暖青蓮目普視  
大衆時百万人天惟迦葉破顏微笑世尊云  
吾有正法眼藏涅槃妙心實相無相微妙法  
門付囑摩訶迦葉

靈山拈出一枝花百有都來是作家惟有飲光猶未  
瞥那堪眼裏又添沙

世尊昔因文殊至諸佛集處值諸佛各還本  
處惟有一女人近彼佛坐入於三昧文殊乃  
白佛云何此人得近佛坐而我不得佛告文

殊汝但覺此女令從三昧起汝自問之文殊  
遶女人三匝鳴指一下乃托至梵天盡其神  
力而不能出世尊云假使百千文殊亦出此  
女人定不得下方過四十二恒河沙國土有  
周明菩薩能出此女人定須臾周明大士從  
地湧出作禮世尊勅周明出周明却至女子  
前鳴指一下女子於是從定而出  
兩又成羣罪莫窮謾將鼠伎逞英雄當時若作今時  
世縱使瞿曇也不中

達磨大師一日命門人曰時將至矣汝等盍

各言所得乎時有道酬對曰如我所見不執  
文字不離文字而為道用祖曰汝得吾皮又  
屈搃持曰我今所解如慶喜見阿闍佛國一  
見更不再見祖曰汝得吾肉又道育曰四大  
本空五蘊非有而我見處無一法可當情祖  
曰汝得吾骨最後慧可大師出禮拜依位而  
立祖曰汝得吾髓乃傳衣付偈

死款都來一口供情窮理極卒難容若將皮髓論高  
下爭見花開五葉紅

僧問六祖黃梅意旨甚麼人得祖云會佛法

人得僧云和尚還得麼祖云我不得僧云為甚麼不得祖云我不會佛法

祖師不會禪夫子不識字棒打石人頭曝又論實事僧問馬大師離四句絕百非請師直指西來意師云我今日勞倦不能為汝說去問取智藏僧問藏又云我今日頭疼不能為你說去問取海兄僧問海又云我到遮裏却不會僧回舉以師又云藏頭白海頭黑

攢花簇錦絕纖塵一度拈來一度新啼得血流無用處不如緘口過殘春

馬大師云即心是佛又云非心非佛

殺人猶可恕再犯豈能容貶向無生國千聖不知蹤藥山久不陞堂院主白云大眾久思和尚示誨山云打鐘者時衆方集藥山便下座歸方丈院主復白云和尚許為衆說法因甚一言不施山云經有經師論有論師爭怪得老僧眉毛罅裏積山嶽鼻孔中藏師子兒南北東西無限意此心能有幾人知

為山云老僧百年後向山下作一頭水牯牛左肋書五字云為山僧某甲此時若喚作為



山僧又是水牯牛  
喚作水牯牛又云  
馮山僧某甲且道  
喚作甚麼

綠樹陰濃夏日長  
樓臺倒影入池塘  
水晶簾動微風起  
滿架香穠一院香

甘贄行者因巖頭在家過夏一日把針次甘贄前立頭乃以針作劊勢甘遂歸著衣擬出禮謝妻乃問翁作甚麼甘云不得說妻云有甚事也要大家知甘舉前話妻云從此三十年後須知一度吃水一度噎殺人女子聞乃云還知盡大地人性命被齧上座針頭上劊

將去也無

幸然無事鼓風濤  
激起洪波万丈高  
直得渾家都浸殺  
至今平地浪滔天

趙州勘婆子

自小丹青畫不成  
年來始覺藝方精  
等閑擲筆成龍去  
換却時人眼裏睛

趙州三佛

泥佛不度水  
毗嵐風忽起  
大地黑漫又  
衲僧爭敢視  
金佛不度火  
鉢裏夜明珠  
一槌俱粉碎  
清光何處無  
木佛不度火  
掣開金殿鎖  
內外絕遮欄  
時人猶懣懣

趙州無字

趙州狗子佛性無十分春色播江湖幾多摘葉尋枝  
底空使洛陽花滿途

趙州一日在佛殿上見文遠侍者禮佛以拄  
杖打遠一下遠云禮佛也是好事州云好事  
不如無

禮佛脩行不較多何須特地起干戈直饒打得回頭  
後兔子何曾離得窠

萬法歸一一歸何處

四面洪波萬丈深上天無路地無門个中有理應難

訴不是愁人也斷菟

巖陽尊者問趙州一物不將來時如何州云  
放下著陽云一物不將來放下个甚麼州云  
看你放不下陽當下大悟

吞而復吐冷烟浮月落寒山猶未休重把絲綸輕一  
掣豈知元只在鈎頭

庄問趙州密又意州以腕上搯一搯庄云和  
尚猶有遮个在州云你猶有遮个在

猛虎深巖淺草窠幾回明月入烟蘿頂門綴有金剛  
眼未免當頭蹉過他

臨濟示衆云赤肉團上有一無位真人常在  
面門出入

颯又秋風滿院涼芬芳篱菊半經霜可憐不遇攀花  
手狼籍枝頭多少香

僧問興化四方八面來時如何化云打中開  
底僧便禮拜化云我昨日赴个村齋中途遇  
卒風暴雨却向古廟裏躲得過

飢火炎又燒斷腸親逢王饒不能飡可憐併逐溪流  
丟百億滄溟透底香

肅宗皇帝問忠國師云百年後所須何物忠

云與老僧造个無縫塔帝云就師請塔樣忠  
良久云會麼帝云不會忠云吾有付法弟子  
耽源却諳此事請問之後詔問源又乃有頌  
云湘之南潭之北中有黃金充一國無影樹  
下合同船琉璃殿上無知識

國師塔樣最尖新覲面拈來不露文却被耽源添一  
線至今描邈亂絲又

陸亘大夫問南泉弟子家中有一片石也曾  
坐也曾臥擬鑄作佛得麼泉云得又亘云莫  
不得麼泉云不得不得

楊柳溪邊垂綠線黃鶯枝上聲又囀幾多人負翫不知  
春空使落花千方片

靈雲見桃花悟道

三千年来在夢中生涯喪盡絕行蹤自慚一見桃花  
後依舊漫天鼓黑風

玄沙云諦當甚諦當敢保老兄未徹在

落花臺上重鋪錦瑪瑙塔前布赤沙情義盡從貧怨  
斷世人偏向有錢家

夾山和尚示衆云我二十年住此山未嘗奉  
著宗門中事一日有僧問承和尚有言二十

年住此山未曾舉著宗門中事是否山云是  
僧便掀倒禪床山休去至明日普請掘一坑  
令侍者請昨日問話僧來山云老僧二十年  
來只說無義語今請上座打殺老僧埋向坑  
中便請便請上座若不打殺老僧上座自著  
打殺埋此坑中始得其僧歸堂裝束潛去  
紅輪杲又正當空昨日今朝事不同盡謂古今都坐  
斷誰知賊過後張弓

百丈云汝等為我開田吾為汝說大義僧開  
田了白云開田已竟請和尚說大義百丈行

數步而立展開兩手

滯債多年要脫身巧粧綺語說諸人及乎拈出當場  
賣索價遠天誰敢親

雲門垂語云乾坤之內宇宙之間中有一寶  
祕在形山拈燈籠向佛殿裏將三門來燈籠  
上

弓絃走馬驀相逢覲面全提未見功拈出輪王三寸  
鉄直教血濺梵天紅

僧問慈明如何是古佛家風明云銀蟾初出  
海何處不分明

銀蟾出海照無私處又分明是阿誰見面不須重問  
訊從教日炙與風吹

僧問慈明如何是不動尊明云提不起

不動尊提不起茫茫宇宙誰能委秋江清夜月澄輝  
鷺鷥飛入蘆花裏

李附馬問慈明我聞西河有金毛獅子是不  
明云附馬甚處得遮消息李喝一喝明云野  
狂鳴李又喝明云獅子吼

送風吹又順風吹鉄眼銅睛爭敢窺萬古碧潭空界  
月再三撈撻始應知

黃龍三關

佛手驛脚与生緣鬼面神頭有許般雲散碧石天孤月  
朗澄潭徹底影團又

五祖演和尚一日持錫遶廊云莫有屬牛人

問命麼衆皆無語自云孫贖今日開鋪更無

一人垂顧可憐三尺龍鬚喚作尋常破布

無端平地起干戈爭似屬牛人更多滿面慚惶無著

處低頭依舊入煙蘿

五祖演和尚謝監收上堂人之性命第一須

是○欲得成此○先須防於○若是真○人

○○

一二三四五六圈心肝粉碎髓髓穿若將方木投圓  
簸醜姥爭教得少年

頌古終

偈頌

頌趙州無字示陳太尉

澄潭千載毒龍蟠  
倒嶽傾湫誰解看  
直下一刀成兩段  
虛空粉碎髑髏乾

示如法禪人

識得根源認得伊  
全身猶墮在塵圍  
縱然和座都掀倒  
尚有烟霞遶翠微

直造懸崖上上閑  
白雲影裏轉身難  
个中若使能通變  
奪食驅耕總是閑

如又不動法中王  
舉足無非是道場  
不到水窮雲盡處

處爭知覲面是檀郎

示如夢禪人行脚

閑處休居靜莫住轉入轉深轉幽固縱至深又盡底  
時更須知有那一步昔日曹溪親到來今時往不多  
差互若非喪尽目前機倒嶽傾湫無覓處

山中四威儀借佛鑑師翁韵

山中行步高身儘輕擬飛去惟恐世人驚  
山中住黯淡雲無數誓相期共守無生路  
山中坐靜看空花墮問何為待結團藥果  
山中臥月落猿啼過正堪眠石室從教破

雲菴

或淡或濃拖雨去半舒半捲送風來為憐途路無棲

泊却把柴扉永夜開

示徒

學道如初莫變心千魔万難愈怪又直須敲出虛空  
髓教却金剛腦後釘

學道之心似鏡明纖塵絲染便忘形廓然照出娘生

面一簇青烟鎖翠屏

學道如撐逆水舟篙又著力莫隨流忽然失脚翻身

去跡斷寒江月一鈎



示徒

工夫果的有真疑動靜寒暄總不知  
枕子驀然開口笑鉢盂踣跳上須弥

示淳謙首座持鉢

千家万家總是維摩丈室十斛百斛無非達磨眼睛  
若向遮裏會得何勞向外經營其或未然吐酒肆姪  
坊休放過龍宮虎穴要親臨

示徒三戒

開口動舌無益於人戒之莫言  
舉心動念無益於人戒之莫起

笨足動步無益於人戒之莫行

辭世

來不入死關去不出死關鉢蛇鑽入海撞倒須弥山

偈頌終

小佛事

若瓊上座火

本炬云向遮裏為得拈一莖草即是瓊樓玉殿不然瓊樓玉殿即是一莖草下火云別起眉毛火裏看

志足淨人火

生不足死有餘灰飛烟滅露全軀便恁麼有何拘六月炎又火一炉

志藏淨人煨骨

一大藏教全體是火若有嶺南靈骨便好赤身擔荷雖然通公紅炉重煨過

二正上座煨骨一人齒不壞

正上座兩不成雙一不成隻牙齒分明是具骨刀煨炉中色正輝泥牛觸碎蒼龍窟

志光居士火 吳士

以火打團相云姑蘇水天目山總是維摩不二關烈  
啖光中回首處依稀髣髴似人間

廣捨上座煨骨

取不得捨不得正恁麼時如何委悉吐剔起眉毛火裏看分明一具黃金骨

明山都管火

以火打圓相云遮裏見得便見山即山水即水大洋  
海底火星飛天目峰頭波浪起不然擲下火云家  
門前火把子

志明道人火

只遮一著子今古無傳授惟有明道人始終能保守  
守鉄牛火裏翻筋斗

得意化主入塔

得意忘言逆行順化常在途中不離家舍彈指一下  
塔戶開了也遍界髑髏無處藏遮裏全身俱放下  
法曇上座火

汝名瞿曇佛名法曇分明舉似疑則別參擲火云大  
洋海裏火燒龕

小佛事終

讚佛祖

觀音大士

大海波心藍陀石上真觀淨觀是相非相如月在天  
無水不現水月俱捐如何瞻仰吐切忌妄想

達磨祖師二

開旗展陣入梁邦未覩天顏早已降縱有神通難轉  
款翻又一葦渡長江

三空請讚

未離西乾惡聲已布面壁九年一場敗露唳不知賺  
却多少兒孫直至如今釘椿掛櫓

讚佛祖終

自讚

師子院明初院主請

鼻無兩竅眼露雙睛十分無面目一味得人憎將正  
續三世之業等閑籍沒向白雲千峰之上特地掀騰  
坐斷死關幸自惡聲難掩那更被伊描邈轉見可憐  
生阿呵又三十年後寧無人路見不平

大覺禪寺祖雍長老請

中大仰毒奮師子威平生負重病舉世無良醫向蓮  
峯插一莖草為少室發千鈞機舌頭無骨額下生眉  
喚作開山即錯不喚作開山猶非從教後代亂針錐

西隱接待師立山主請地名西馬騰

烏豆眼睛生鉄面具向孤峰頂上將無米飯塞斷天  
下衲子咽喉固是家常因甚更教人參个一歸何處  
叫憶著江南三月天馬騰西畔春無數

雙髻禪菴請

恣無明逞人我誹釋迦罵達磨雖是赤心返成話墮  
六年坐鋪賣不行至今被人喚作滯債

禪人請讚二

遮个村僧只好聞名尾已終露天下人憎  
不識巖頭密啓處到言悟得仰山禪遮場敗露難遮

蓋留與兒孫万世傳

自讚終

行狀

師姓徐諱原妙蘇之吳江人受業秀之密印雪岩欽  
禪師的嗣生宋戊戌三月二十三日申時受具癸丑  
寶祐乙卯行脚辛酉得悟丙寅隱龍鬚苦行九載甲  
戌遷雙髻大元己卯上西峰辛巳入張公洞扁死關  
不越戶十五年學徒叅請無虛日僧俗授戒幾數万

人開山師子大覺元貞乙未臘月朔焚香說偈告衆  
坐亡春秋五十八臘四十三度徒弟幾百人以是月  
二十一日庚申全龕塔于死關之內後治命也

孝小師明初嗣法比丘祖雍 識

行狀

師諱原妙號高峰吳江人俗姓徐母周氏夢僧乘舟  
投宿而孕宋嘉熙戊戌三月二十三日申時生纒離  
襁褓喜趺坐遇僧入門輒愛戀欲從之游十五歲懇  
請父母出家投嘉禾密印寺法住為師十六薙髮十  
七受具十八習天台教二十更衣入淨慈立三年死  
限學禪一日父兄尋訪巍然不顧二十二請益斷橋  
倫令參生後何來死後何去話於是脇不至席口體  
俱忘或如廁惟中單而出或發函忘扁鑄而去時同  
叅僧顯慨然曰吾已事弗克辦曷若輔之有成朝夕

護侍惟謹時雪巖欽寓北礪塔欣然懷香往扣之方  
問訊即打出閉却門一再往始得親近令看無字自  
此叅扣無虛日欽忽問阿誰與你拖个死屍來声未  
絕即打如是者不知其幾師扣愈虔值欽赴處之南  
明師即上雙徑叅堂半月偶夢中忽憶断橋室中所  
舉万法歸一一歸何處話疑情頓發三晝夜日不交  
睫一日少林忌隨衆詣三塔諷經次擡頭忽覩五祖  
演和尚真讚云百年三萬六千朝返覆元來是遮漢  
驀然打破拖死屍之疑其年二十四矣解夏詣南明  
欽一見便問阿誰與你拖个死屍至遮裏師便唱欽

拈棒師把住云今日打某甲不得欽曰為甚麼打不  
得師拂袖便出翌日欽問万法歸一一歸何處師云  
狗舐熱油鐺欽曰你那裏孝遮虛頭來師云正要和  
尚疑著欽休去自是機鋒不讓次年江心度夏迤邐  
由國清過雪竇見西江謀希叟曇寓旦過曇問曰那  
裏來師拋下蒲團曇曰狗子佛性你作麼生會師云  
拋出大家看曇自送歸堂暨欽挂牌于道場開法于  
天寧師皆隨侍服勞屢將有所委任辭色毅然終不  
可強一日欽問日間浩又時還作得主麼師云作得  
主又問睡夢中作得主麼師云作得主又問正睡著

時無夢無想無見無聞。主在其麼處。師無語。欽。囑曰。後今日去也。不要汝學佛學法也。不要汝窮古窮今。但只飢來吃飯。困來打眠。絕。我。竟。來。却。抖。擻。精。神。我。這一覺中。主人公畢竟在善麼處安身立命。丙寅冬。遂奮志入臨安龍巖。自誓曰。拈却一生。做個癡。鼓。漢。決要遮一著。子。明。白。越。五。載。因。同。宿。友。推。枕。墮。地。作。聲。廓。然。大。徹。自。謂。如。泗。州。見。大。聖。遠。客。還。故。鄉。元。來。只是舊時人。不改旧時行履處。在龍巖九年。縛柴為龕。風穿日炙。冬夏一衲。不扇不炒。日搥松和糜。延息而已。嘗積雪沒龕。自餘路梗絕。烟火咸謂死矣。及霽。

可入師正宴坐。那伽甲戌。遷武康雙髻峰。盖和菴主。攀蘿又上一稜層之意也。及至學徒雲集。然菴小。難容。乃拔其尤者居之。丙子春。學徒避兵。四去。師獨掩。關危坐。自若。及按堵啓戶。視師。則又疇昔雪中。之。那伽也。於是戶履。彌。數。應。接。不。暇。乃。有。柳。標。橫。肩。不。顧。人。直。入。千。峯。方。峰。去。之。語。已。卯。春。腰。包。宵。遁。直。造。天。目。西。峯。之。肩。有。師。子。巖。拔。地。千。仞。崖。石。林。立。師。樂。之。有。終。焉。之。意。弟。子。法。昇。等。追。尋。繼。至。為。葺。茅。蓋。頭。未。幾。慕。羶。之。蟻。復。集。師。乃。造。巖。西。石。洞。營。小。室。如。舟。後。以。丈。衡。半。之。榜。以。死。閉。上。溜。下。淖。風。雨。飄。搖。絕。給。侍。



屏服用不澡身不薙髮截甕為鐺併日一食晏如也  
洞非梯莫登撤梯斷緣雖弟子罕得瞻視乃有三閔  
語以驗學者云大徹底人本脫生死因甚命根不起  
佛祖公案即是一個道理因甚有明與不明大脩行  
人當遵佛行因甚不守毗尼儻下語不契遂閉門弗  
接自非具大根負大志鮮不望崖而退雪巖方住大  
仰凡三喚師堅卧不起遂有竹篋塵拂及綠水青山  
同一受記語來授師懷中瓣香始於人天前拈出道  
風所屆日益遠遂有他方異域越重海踰萬山而來  
者矣鶴沙瞿提舉敬有年辛卯春得登山一瞻師

顏恍如夙契惠然施巨莊瞻海衆師曰多易必多難  
吾力弗克勝堅拒之施心弥篤乃命僧議以此田歲  
入別於西峰建一禪刹請于官而後營之師欲不從  
不可得也爰得勝地名蓮華峰岡脉形勢天造地設  
得請以大覺禪寺為額請祖雍權管寺事田四稔所  
營亦既什三師有厭世之心矣師患胃疾已數年然  
起居飲食待人接物皆未嘗廢乙未十一月二十六  
日祖雍偕明初來省師又竟以末後事付囑遂取兩  
真軸口占二讚乃書之十二月初一日黎明辭衆云  
西峰三十年妄談般若罪犯弥天末後有一句子不

敢累及平人自領去也大衆還有知落處者麼良久  
云毫厘有差天地懸隔衆皆哀慟不已至辰已間說  
偈曰來不入死關去不出死關鐵蛇鑽入海撞倒須  
彌山泊然而寂啓龕七日端然如生緇素奔哭者填  
咽越二十一日庚申塔全身于死關遵遺命也壽五  
十八鵬四十三弟子僅百人受毗尼及請益者數萬  
人示寂後遠近之人恨不得承顏領誨於塔前慟哭  
然頂煉臂者猶懂又不絕師平日以慈悲為人自任  
其在龍鬚也有僧若瓊焚祠牒後師忽染病師告之  
曰病中絕緣正好做工夫汝臭皮袋皆委之於我但

和病捱去決不相賺且往供給而啓教之因其思醋  
為遠乞以歸得酒焉復易之往返四十里以濟其一  
啜病亟索浴俯見湯影即有省喜笑如脫沈痾信宿  
書曰三十六年顛倒今日一場好笑娘生鼻孔豁開  
放出無毛鐵錘師問如何是娘生鼻孔瓊豎起筆師  
曰又喚甚麼作無毛鐵錘瓊擲筆而逝或有問予所  
紀詳一而遺衆何也喬祖曰被亡而悔恐逸故書師  
自雙峰而至死關風勵學者入室不以時每見一期  
將終上堂誨示諄又甚至繼以悲泣平居誨人世出  
世法皆懇切至軟語吐又和易如坐春風中使人

醉心悅服咸自謂得師意及至室中握三尺黑氈鞭  
笞四海龍象則絲髮無少容借來者如登萬仞山而  
躋冰崖雪磴進無所依退無所據莫不凜然失其所  
執設有不顧性命強爭鋒者師必據其案款盡底搜  
詰破石驗璞刮骨見髓勘其深淺真偽定其是非與  
奪卸僧伽黎痛決烏藤以明正其賞罰嘗語學者曰  
今人負一知半解所以不能了徹此事者病在甚處  
只為坐在不疑之地自謂千七百則公案不消一喝  
坐却曲录床子及手被參徒下一喝則不能辨其邪  
正往又一句來一句去如小兒相撲仗倆相角蓋是

從前得慶菴函故也直須參到大徹之地親見親證  
明得差別智方能勘辨得人方能殺活得人此是吃  
折脚鐺中飯底工夫做到未易以口舌爭勝負也假  
如兩人從門外來未見其面同時下一喝且道那一  
个有眼那一个無眼那一个深那一个淺還辨得出  
麼師之機用不可湊泊下語少所許可其門戶險絕  
如此復念今時學者不能以戒自律縱有妙語亦難  
取信於人乃有毗尼方便之設焉師寓南竺日嘗誤  
踏一筍取而食之其後賣衣告償耕薪擘果見虫復  
全而置之瀝水囊終身不廢師之細行涅南山之竹

莫能殫姑本足數端以識其梗槩使後之欲見師而不可得者覽斯文亦足以景仰遺風於万一云耳良諸信士全從進得師所剪髮盛以香奩朝夕供禮一旦光明遍室視奩中舍利累又如貫珠師隱山前後三十年為己為人惟其一出於真實故天下之人若僧若俗若智若愚上而公卿士夫下及走卒兒童識與不識知與不知皆合手加額曰高峰古佛天下大善知識也喬祖自師至西峰即往來觀歲或十餘往往必留旬浹承教詔警策者至矣示本分鉗鎚外時以孔孟老莊微言要旨立難問而答迪之益見師隨

機設化之方也師未嘗握管今語錄中有一二偈讚十數頌古皆雙峰時所作為弟子竊記者乃若示徒之語一句一字皆前所謂踐履真實中流出假言以顯道而已師貌清古体脩偉常俛首而坐非問道不答聞誅人過則首愈低久病癯甚坡翁省夫禪師病有云瑟又寒松靈骨就又老虎垂頭殆為師傳神也十數年間兩處成道場而未嘗過目少干懷焉喬祖從師游最久交諸耆舊家多故知師之出處言行最詳師之徒弟明初以擬集之事見囑不敢以才譎辭敬焚香滌慮拜手以述將求銘於大手筆云謹狀

行狀終

塔銘

前朝請大夫眉山家

之巽撰

夫子之道不憤悱則不啓發瞿曇之道不勇猛則不  
精進道固未易知也古之釋子山棲林巢草衣木食  
死灰墻壁其身心而不悔者為一大事耳後之真能  
為大事者千萬人一人高峰是已師名原妙吳江徐  
氏子母夢癯僧而免幼嗜趺坐稍長從嘉禾密印寺  
老宿法住出家習天台教不契入淨慈立死限學禪脇  
不席食不味見斷橋倫令參生從何來死從何去見  
雪巖欽令參狗子無佛性且問誰拖汝死屍來應聲

即棒實疑萬法歸一一歸何處見雙徑五祖真贊疑  
始津從欽南明欽申前問師喝欽拈杖師把住云今  
日打某甲不得拂袖徑出豈旦欽又問萬法歸一話  
師云狗舐熱油鐺自此當機不遜尋過雪竇見西江  
謀希叟曇復從欽雪之道場欽時居立僧與偕赴天  
寧欲浼以事掩耳不願欽嘗問日間浩又作得主麼  
師云作得主夢中何如云作得主正睡著時無夢想  
見聞主在甚處師無語欽喞云從今不責汝學佛學  
法只飢餓困眠緣覺抖擻精神看此際主人翁竟何  
在師益警省感淳丙寅冬入龍鬚山卧薪飯松風塵

日搏擔欲一著子明白粵五載中夜摧枕墮地有聲  
廓然大悟會積雪路絕數日人謂師已矣雪霽宴坐  
如初甲戌遷武康雙髻峰德祐丙子春大兵至師絕  
食兼旬危坐不動事定戶屢紛至已卯春避入西天  
目之師子巖即石洞營小室丈許榜曰死閑悉屏給  
侍服用破甕為鐺併日一食洞梯山以升弟子罕面  
共築師子院以居有三閑語示衆云大徹底人本脫  
生死因甚命根不斷佛祖公案只是一个道理因甚  
有明與不明大脩行人當遵佛行因甚不守毘尼弗  
契即拒戶不納會欽寄竹篔拂子法語辦香拈出道

價日隆遠方異域問道踵接運副鶴沙瞿君寔發敬  
慕師一見機契即捨田莊為供師辭不受君捨心益  
堅俾其徒以田別建一刹食上蓮峰距巖可十里請  
於官扁大覺禪寺以祖雍稱寺事乙未子月二十七  
日師忽書二真軸以後事囑明初祖雍膺朔上堂云  
西峰三十年妄談般若罪犯弥天末後一句不敢累  
及平人自領去也大衆還有知落處者麼良久云毫  
釐有差天地懸隔別書偈云來不入死關去不出死  
關鐵蛇鑽入海撞倒須弥山泊然而逝庚申奉遺命  
全歸死關師嘉熙戊戌三月二十三日生壽五十八

膺四十三弟子百人受戒請益者万數遠近奔赴燃  
香臂頂慟哭填咽師清明枯淡篤志求道頓悟之後  
屏居窮山跬步不出內心無喘外息諸緣欣然自得  
為人至慈勤懇誨人善語和易或繼以迄及至室中  
行祖令鞭策龍象盡情勘發絲粟無貸嘗戒學者令  
人負一知半解不能了徹參徒一詰茫然莫辨邪正  
句来句去如手搏兒蓋得處肉莽故也直須大徹親  
見親證明得差別智方解勘辨殺活機用嶮峻不可  
湊泊如此尤矜細行崇戒律雖創兩刹日未嘗覩師  
行解真實名震江湖誠与不識皆手額讚歎曰古佛

善知識也余弱冠後無準翁遊師進孫也創院立莊  
 兩囑以記心降只矣諸徒持事狀求銘烏得舜銘曰  
 高峰屹立 祖孫一律 妙年求道 力久真積  
 空山夜澄 撲地枕聲 玄閑劃開 宇帶斬新  
 萬法歸一 一歸何處 熱油一句 大地起舞  
 西峯死局 餘三十齡 雲包雪笠 朋來于門  
 一絲不掛 萬仞如壁 近不可泊 遠不可即  
 斷衲子心 了佛祖心 手抉重雲 霽月千林  
 鐵地入海 虛空百碎 我作銘詩 無在不在  
 塔銘終

大元故佛慧圓明正覺普度大師斷崖和尚塔銘

前奎章閣侍書學士翰林侍講學士通奉大夫

知制誥同脩國史虞集 撰

昔西方聖人為一大事出見於世法流中土時至緣  
 熟達磨之來直指人心而已至乎大鑑其道大行五宗  
 並立枝葉扶疏戶庭雖分惟一不二臨濟一宗大機  
 大用收攝無量視彼孤絕接人為廣自是以來幾將  
 千載弘法宇內多其子孫其最明著者自風穴小止  
 首山淳興汾陽慈明楊岐白雲東山圓悟灼有端緒  
 宋之南渡國於江海之間而慧命克昌有陰有陽所



謂千古豪傑之士激揚宗要風動雷應聲光莫盛焉  
華公親承虎丘而受妙喜衣板之付佛照振其父風演  
化相望而應菴以來相繼者密菴傑破菴先無準準範  
遂終宋之世矣

皇元混一海內崇尚象教度越前代時則有雪巖欽公  
擔荷此事一時坐大道場說法東南無慮十數皆其  
法嗣師子巖頭立死關者高峰妙公其長子乎能殺  
能活據其正令以接後人察又曠絕之餘環視四顧  
能及之者蓋鮮矣是故出其門者辨才福德名行于  
世者不無其人至于實證實悟正眼洞徹縱橫自在

人天罔錯則吾斷崖禪師而已師俗姓湯氏父大宥  
母張以宋景定癸亥十一月二十三日生師於湖州德  
清縣能食不如暈血六歲始能言但從其母誦法華  
經於人世事懵無所知姿貌巍然志若有所待年十  
七有禪者過之誦高峰上堂語曰欲窮千里目更上  
一層樓師忽言曰此大善知識必能為人拔釘去楔  
爾能與我往見之乎母驚異之路具衣裝與之行見  
高峰于天目山師子巖之死關為童峰謂之曰汝所  
持何多為師曰以待寒暑峰曰孝佛者不如是師即  
刻盡以散諸人乃令提万法歸一一歸何処話因名

之曰後一他日峰為僧奉牛過窓襦話師聞之忽生  
幾參究不倦一日告峰曰上極天宮下窮水際盡大  
地一琉璃瓶峰曰莫作聖解它日過鉢盂塘見松上  
雪墜有惺即詣峰呈頌曰不問南北與東西大地山  
河一片雪聲未絕峰痛棒之不覺墮身崖下懸崖壁  
立人意其必死同學明通捫蘿接磴以救之則師已  
出半山無所苦也謂通曰我往江西見欽公去也通曰  
汝孤負老漢棒矣乃挽之還即與通還山之西禪菴  
自擔曰七日不證則決去矣遂端直堅壁忘塵寢食  
夜則攀樹露立達旦未至所期豁然大悟馳至死關

呼曰老和尚今日謾我不得也呈頌曰大地山河一  
片雪太陽一照便無蹤自此不疑諸佛祖更無南北  
與西東峰上堂云我布縵天大網打鳳羅龍不曾遇  
得一鰕一鱗今日有樵螟蟲撞入三十年後向孤峯  
絕頂揚声大叫且道叫个什麼峯拂子云大地山河  
一片雪師便奪峰拂子為衆奉揚訶勵同學子辭不少  
遂復曰盡大地有一人發真歸源後一皆知之峰歎  
其俊快有僧參峰次峰令見師又曰驀直去其出言  
大抵如此久參者愧之幾有命如懸絲之慮遂歸德清  
其母為賣簪珥同入武康上柏山結茅以居人見其

混俗罔測其意越五年還山峰云大有人道你拖泥帶水師曰兩眼對兩眼遂落峰改其名曰了義元貞乙未高峰示寂師亦韜晦或遊禪林頽然居下板孤峭巖峻不暇借人辭色或觸其機鋒發言如奔雷諸方宿衲莫不驚歎居不擇地隨寓而休而律範大開凜如冰雪所至四衆歸重公侯貴人爭相迎奉無虛日師予正宗禪寺累請住持師若不聞亦未嘗受請立僧而咸尊之曰義首座云中峰本公大揚高峰之道烜赫昭著法席之盛中外罕及至治癸亥棄衆而化同門布衲雍公見地明白提唱超卓而去世更

久後太定三年師勉衆請歸坐祖庭者一載所謂正宗禪寺者也衆學之衆輻湊而至或示衆曰除却語默動靜道將一句來又嘗曰一息不來何處安身立命然或嬉笑怒罵桶言穢語人所不堪或不因勸請自肆談說或作偈頌不待思惟應機而發人所莫測元統元年歲除日師忽謂從者曰有一件事天來大你還委悉麼良久云明日是年朝正月六日乙未詣法雲塔西指空地曰更好立个無縫塔其晚與禪者談笑至夜分乃曰老僧明日天台去也禪者曰某甲隨師去師曰你走馬也趁我不及翌午跏趺而化世壽

七十二僧鵬四十有九後七日藏其全身于師子岩  
之後雲深菴化之日雷砰雨射白晝晦暝葬之日雪  
花繽紛林木編素送葬者數千人悲慟哀戀聲撼山  
谷初本公示窆會葬齋次師笑謂衆曰後十二年更  
為老僧一會至是十二年矣至順二年七月

文宗皇帝聞師道行有詔命宣政使賞香幣入山宣  
問勅有司加護元統二年月中書平章政事御史大  
夫撒迪奉

今上皇帝明詔賜號佛慧圓明正覺普度大師璽書  
至山師已不及見矣前任持普慶禪寺正印本蒙古

人歷徑山等一座以嘗侍香其席與同志以師事實  
來求塔銘後二年番易張善式從本公游居天目寂  
久結輯師生緣悟由語錄平實可孝乃按而序之集昔嘗  
與師相見於吳郡忽已十七年周遊南北退處空山  
思欲再見如師之高明洞達者不可復得慨觀古昔  
祖席之盛接人之的何其宏偉卓絕哉虛空無盡佛  
法無盡有能得是傳者集雖老猶將往問之故為之  
銘銘曰

傳法正宗 臨濟並弘 汾陽慈明 楊岐大行  
佛果二子 雙樹齊行 區區東南 雷動海湧

天子有詔	山高雲深	靈骨在焉	摩尼滄海	朗月中天
前際既往	於赫巖護	使未及山	委席不住	
後者木來	我於其間	重關一開		
鼓鐘朝夕	龍象人天	遊燕食息		
說法熾然	無常吾機	我非不言		
師子返擲	我見其人	斷崖千尺		
巖峰之顛	孰為之祖	孰為之師		
窠付心傳				

至元六年庚辰歲五月五日

大元勅賜智覺禪師法雲塔銘

奎章閣學士院侍書學士翰林直學士中奉大

夫知制誥同脩國史兼經筵官 臣虞集奉

勅

誥

天目之山有師子巖高峰妙禪師居之設死閑以辨  
 决參學之士望崖而退者衆矣得一人曰本公是為中  
 峰和尚師生有異徵為童兒嬉戲必為佛事稍長閱  
 經教然指臂求佛甚切晝夜彌勵困則首觸柱以自  
 徹期必得乃已及入死關密叩心要誦金剛經至荷  
 擔如來阿耨多羅三藐三菩提處恍然開解而師自

謂所證未極勵精勤苦誥訣無怠及觀流泉乃大發  
明師亦闕而不聞自是說法示人縱橫該貫如千江  
一源奔注放溢莫之能禦累千百言應問無碍隨其  
根器廣為策勵世推以為大辯焉高峰將截化權遂  
書真讚屬諸師云我相不思議佛祖莫能視獨許不  
肖兒見得半邊鼻其授受不虛若此著書五篇曰山  
房夜話曰擬寒山詩曰楞嚴微心辯見或問曰信心銘  
闢義解曰幻住家訓名曰一華五葉集復著舍利帳  
若畧義一卷別傳覺心一卷東語西話三卷語錄十  
卷別錄十卷盛傳于世

仁宗皇帝聞而聘之不至製金紋伽梨衣賜之號之  
曰佛慈圓照廣慧禪師賜師子院名曰正宗禪寺  
英宗皇帝亦封香製衣即所居而脩敬焉駙馬太尉  
潘王王璋嘗使人從師問法意以為未足請於  
上親往見之既見構亭巖前曰真際表得法也三藏  
法師沙律愛護持必刺牙室利遊方時亦嘗從師叅  
詰翰林學士承旨趙公孟頫每受師書必焚香望拜  
與師書必自稱弟子行省丞相別不花行宣政院使  
張問諸達官尤加敬服每徑山靈隱虛席必以待師  
師固不受乃已轉運使瞿霆發以大覺寺奉師亦不

受師踰浙絕江渡淮泝汶至浮舟以居而避去之後  
之者如雲北極龍漠東涉三韓西域南詔之人遠出  
萬里之外莫不至焉所至結菴一名曰幻住信施金  
幣重寶交至一視之邈如也師相好魁碩見者贊歎皆  
畫像事之南詔人有奉其像歸者夜出神光燭天其  
士感悅遂篤信禪宗云時人為之語曰師乘大悲願力為法  
檀度觀時適宜隨機應物多諸方便如摩尸珠無有  
定色為未證得為證得者說我無悟由為求名聞利  
養者韜晦巖谷為毀犯律儀者演毘尼法為妄認法  
塵以資狂解者導以正悟為圓機者直示向上師皆

以身先之而不事夫空言也而師方自以為文字失  
於學問參究關於悟明尋常為好事者所稱蓋赧緣  
之偶然耳翩然為退休之計噫師之高邁過人遠甚而  
謙抑如此所以為不可及也師諱明本宋景定癸亥  
歲生錢唐姓孫氏年六十一僧鵬三十七大元至治  
癸亥八月十四日化於其山東岡之草廬有訣別書  
偈誡門人勿行世俗禮而門人及遠近來吊者哭師  
哀甚聲動山谷遂奉全身葬于西岡之上而塔焉後  
七年天曆己巳正月甲子

聖天子使翰林學士承

旨領國子監事阿隣帖

耳名臣集至便殿命之 若曰其賜謚與塔名而汝  
集為之銘俾其門人善達密的理刻之山中臣集再  
拜而言曰 國家崇尚佛乘至矣而近日禪學之弊  
以覺識依通為悟明以穿鑿機緣傳授為參學以險  
恠竒語為提唱以破壞律儀為解脫以交結貴達夤  
緣據位為出世方便惟和尚傳佛心宗卓絕不倚弘  
闡玄猷痛斥禪病以救末法其高識遠見淳德實行  
法量汪洋辨才無礙東南一人而已請謚曰智覺禪  
師塔曰法雲銘曰

魏又楞伽

上極無際

大雄善喻

著無上義

達磨之東

憂言多窮

獨此不遺

曰心之宗

是故妙師

高蹈天目

以表遐矚

師子巖又

置死為閑

孰當吾鋒

有造無還

惟幻住史

登中據最

示則絕學

無依無外

千偈翻瀾

夫豈好言

昏蒙銅漆

杖提孔艱

如彼淫疾

勝邪並受

有大醫王

為出一手

炳眩塗摩

禱醫鍊烹

紛然百為

因病以生

疾除醫已

言亦如是

得本不迷

何有一字

心願深弘

智覺所恃

受職度人

懽乎法雲

如雲彌天

有蔭斯溥

惚于



皇風

未理終古

天曆二年八月

日師子正宗禪寺當住

臣僧了

建



Two vertical columns of small characters, possibly bleed-through from the reverse side of the page.

